

# أهوال يوم القيامة | #خطبة\_جمعة | د. حازم شومان

حازم شومان

ان الحمد لله ان الحمد لله نحمده ونستعين به ونستغفره ونعوذ بالله من شرور انفسنا ومن سيئات اعمالنا. انه من يهدي الله فلا مضل له. ومن يضل فلن تجد له هاديا مرشدا. يا ايها الذين امنوا اتقوا الله حق تقاته. ولا - 00:00:00

تموتن الا وانتم مسلمون. يا ايها الناس اتقوا ربكم الذي خلقكم من نفس واحدة. وخلق منها زوجها وبث منهما رجالا كثيرا ونساء واتقوا الله الذي تساءلون به والارض ان الله كان عليكم رقيبا. يا ايها الذين امنوا اتقوا الله وقولوا قولا سديدا. يصلح لكم - 00:00:29 اعمالكم ويغفر لكم ذنوبكم. ومن يطع الله ورسوله فقد فاز فوزا عظيما. اللهم صل على الحبيب محمد وعلى ازواجه امهات المؤمنين

وعلى ذريتي وال بيته انك حميد مجيد. اما بعد. اخواني واحبابي في الله نتقارب يا اخواني. لان يعني اخوانكم - 00:00:59 كل ما يببجوا وراه بس ببببوا المكان ضيق يعني اذا قيل لكم تفسحوا في المجالس فافسحوا يفسح الله لكم ربنا يوسع عليك بقى في كل ما تريد ان يوسع الله سبحانه وتعالى عليك فيه. اذا قيل لكم تفسحوا في المجالس فافسحوا يفسح الله لكم. اخواني واحبابي في الله. تخيل - 00:01:19

لو انت يعني قابلت طالب من الطلبة قبل الامتحانات بيوم او بيومين بتاعته. فبتقول له هو جدول الامتحانات بتاعك ايه ؟ فقال لك جدول الامتحانات ايه ؟ ما اعرفش قلت له يعني ايه المادة الاولانية ؟ قال لك ما اعرفش المادة الاولانية ايه. الله! طب والمادة الثانية ما اعرفش. طب برنامج الامتحانات من اوله لاخره. ما اعرفش. الطارق امال انت هتعمل - 00:01:37

انا اروح وان شاء الله ربنا يسهلها يعني ايه المشكلة يعني ؟ يعني لو الاول المادة الاولى فيزيا ولا المادة الاولى كيمياء ولا المادة الاولى عربي ولا المادة الاولى رياضة هي فرقة - 00:01:57

ايه يعني ؟ هل الطالب ده ممكن ينجح يا اخواني ؟ هل الطالب ده ممكن يعدي من السنة ديت ؟ اخواني واحبابي في الله. يوم القيامة. يوم القيامة اللي الامتحان بتاعنا انت متخيل يعني ايه يوم القيامة ؟ لجنة الامتحانات بتاعة يوم القيامة ايه ؟ ايه الفرق بين البعث والحشر ؟ امتى الميزان وامتى الصراط ؟ امتى - 00:02:07

النبي عليه الصلاة والسلام وامتى القنطرة ايه هو يوم القيامة يا جماعة ؟ لجنة الامتحانات اللي خمسين الف سنة عمر الكرة الارضية دي كلها يبجي خمس تلاف سنة ولا عشر تلاف سنة. تخيل ان يوم واحد بس - 00:02:27

كل بني ادم هيتحاسب فيه في خمسين الف سنة تخيل ان انت واقف تحت عمارة سبع تدوار. لو السبع تدوار ببببوا على بني ادم يعمل ايه ؟ سبع سماوات ببببوا على النبي ادمين. يعملوا ايه ؟ يوم القيامة خمسين الف سنة عشان تتكلم عن الخمسين الف سنة. كل سنة في دقيقة - 00:02:40

محتاج ثلاث سنين تتكلم يوميا ساعة عن يوم القيامة. عشان في الاخر تبقى اتكلمت عن السنة في دقيقة يوم القيامة. ما بداية يوم القيامة اول حاجة في يوم القيامة البعث يعني ايه البعث ؟ يعني هنطلع من تحت التراب. الموضوع مش كده يا اخواني. الموضوع مش ان البعثة نطلع من تحت التراب - 00:03:00

وبعد كده هنقف نتحاسب وبعد كده الكلام ده فيه تفاصيل من اخطر ما تكون ازاى انسان يبقى مصيره متوقف على يوم وهو مش منتبه لخطورة اليوم ده. وهو مش منتبه لتفاصيل اليوم ده. ازاى يا جماعة ؟ اللي عنده مادة - 00:03:20

هي الساعة تمانية ولا الساعة تسعة ؟ هو ورقة الامتحان ساعتين ولا ثلاثة هو الامتحان اربع اسئلة ولا عشر اسئلة ؟ هو الاسئلة كلها اجباري ولا فيه سؤايلن والباقي اجباري. هو الامتحان جاي على المنهج كله ولا فيه اجزاء ملغية ؟ هو الامتحان اللي هيحطه مين ؟ هو

الامتحان كل سؤال درجته ايه ؟ هو النتيجة هتطلع ايه - 00:03:37

انت هو اللي هيصح مين ؟ اللي عنده امتحان في الدنيا مشغول بالتفاصيل. طب انت عندك امتحان بيتوقف عليه مصيرك. يعني ايه البعث يا جماعة؟ يعني ايه اول حاجة يوم القيامة البعث اول حاجة في البعث بعث الملائكة نفسها. الملائكة هي الملائكة بتموت ايوة الملائكة بتموت. ملك الموت نفسه بيموت. جبريل بيموت - 00:03:57

ملائكة السماوات السبع بتموت. قال تعالى ونفخ في الصور فصعق من في السماوات ومن في الارض. الكل بيموت كائنات. كل الكائنات على وجه الارض بتموت. وملائكة السماوات السبع بتموت. والملائكة التي فوق سدرة المنتهى والتي تحت سدرة المنتهى - 00:04:17

الكل يموت وبعد كده بعد ما بتموت الملائكة قال تعالى ثم نفخ فيه اخرى فاذا هم قيام ينظرون. ثم نفخ فيه اخرى. بعد كده بتيجي نفخة بتبعث الكائنات. الله سبحانه وتعالى - 00:04:37

يبعث الكائنات بعد ان ماتت. بتقوم الملائكة الاول ليه ؟ لان كل واحد مننا لما يطلع من تحت التراب المفروض يلاقي الملائكة مستنيها. الملائكة دي القوة تنفيذية في يوم القيامة اللي ربنا لما بيقول خذوه فغلوه ابن كثير بيقول سبعين الف ملك بيبتدروا من قال الله عليه هذه - 00:04:53

كلمة اللي ربنا بيقول عليه الكلمة دي سبعين الف ملك قوة تنفيذية واقفين ينفذوا امر الله سبحانه وتعالى فيه. يبقى بعث الملائكة كما قال تعالى يوم يقوم الروح والملائكة صفا. الملائكة في السما صوف بتعبد ربنا صوف. بتموت صوف وبتبعث يوم القيامة صوف - 00:05:13

يوم يقوم الروح والملائكة صفا لا يتكلمون الا من اذن له الرحمن وقال صوابا. المرحلة الاولى في البعث بعث الملائكة ان الملائكة نفسها بتقوم بعد الموت. بعد كده يا اخوانا المرحلة الثانية في البعث اللي هو يعني جمع تراب كل انسان - 00:05:34

مرة اخرى يعني ايه جمع تراب كل انسان؟ يعني كل واحد مننا لما تروح المقابر كده وتمسك كبش التراب من الارض كبشة التراب ديت ممكن تكون كانت بتكون سبعين تمانين بني ادم قبل كده. جزء منها وجه امرأة من اجمل النساء. جزء منها ساعة شاب من اقوى الشباب. ده دي ممكن سبعين تمانين بني ادم - 00:05:54

ماتوا من عشرات السنين والذي تبقى هو التراب. الانسان بعد ما بيموت بيبقى تراب. والتراب بتحملة الرياح في مشارق الارض ومغاربها تخيل على مدى الاف السنين بقى تراب النبي ادم ده بقى فين ؟ تراب النبي ادم ده تفرق في الارض قد ايه ؟ لما ربنا يأمر زرات تراب كل انسان - 00:06:14

ترجع له ثاني بل زرة التراب اللي كانت في كبده مش هتروح في كلته. تخيل بل التراب بتاع الانسان ده مش هيروح للانسان ده. انت متخيل تخيل هذا المشهد مشهد جمع تراب زرات كل انسان من الارض مرة اخرى. قال تعالى قد علمنا ما تنقص الارض منهم. ربنا - 00:06:34

بيقول كل واحد بيموت ربنا يعلم الارض بتأكل من جسده ايه. وعندنا كتاب حفيظ. العلماء قالوا المفسرين قالوا عندنا كتاب يعني زرات تراب كل انسان الله يعلم كل واحد بعد ما مات وبقي تراب تراب جسمه فين ؟ لذا قال تعالى - 00:06:54

يا بني انها ان تك مثقال حبة من خردل. تخيل جسم النبي ادم خلاص اتقطع وتمزق وتطايرت اشلائه في الارض كلها انها ان تك مثقال حبة من خردل فتكن في صخرة زرة تراب تكون عليها على مدى الاف السنين صخور وبقت في بعض - 00:07:14

جبل او في السماوات زرة تراب علقت. يعني رجل رائد فضاء طالع في صاروخ للقمر. ولما نزل على القمر او لما نزل في القمر زرة التراب دي تطايرت في السماوات. او في الارض راحت مجاهيل الارض وصحاري الارض. يا بني انها ان تك مثقال حبة من - 00:07:34

الخردل فتكن في صخرة او في السماوات او في الارض يأتي بها الله. يأتي بها الله. الله قادر انه مع تراب كل انسان مرة اخرى. عشان كده الرجل اللي لما جه يموت قال لولاده ان انا مت فاحرقوني. حتى اذا نفذت النار الى عظمي - 00:07:54

لحد ما ابقى كلي فحمة من اوله لاخري فاطحنوني. حولوني لشوية بودرة. ثم انتظروا يوما عاصفا. فازروني ارموني في كده نص في البر ونص في البحر. فلأن قدر علي ربي ليعذبني عذابا لا يعذبه احدا من العالمين. انا عملت كمية زنوب ومعاصي - [00:08:14](#)  
لا يمكن اقدر اقابل بها ربنا. طب الحل ايه بقى عشان ما اقابلش ربنا؟ هو الراجل ده مؤمن ان فيه لقاء لله. انما مخه صور له ان الحل ايه عشان نقابله - [00:08:34](#)

ربنا احرقوني واخلوني بودرة وارموني في البر والبحر. خلاص بقى. يعني يبقى انا كده لا يمكن ابعس تاني. سبحان الله العظيم! تفكير عجيب جدا فلما مات امر الله البر فجمع ما فيه. وامر الله البحر فجمع ما فيه. ثم - [00:08:44](#)  
قال له كن فكان ثم قال ربنا جمع زرات تراب جسمه من البر والبحر. بكلمة كن سبحانه وتعالى الانسان مش متخيل ربنا مهيمن عليه قد ايه وربنا علمه محيط قد ايه وربنا ايمنته على كل ذرة في الكون. وصلت لدرجة شكلها ايه. وما يعزو - [00:09:04](#)  
وما يعزب عن ربك من مثقال ذرة في السماوات ولا في الارض وما يعزب عن ربك من مثقال ذرة في الارض ولا في السماء في سورة يونس اي تونس ولا اصغر من ذلك ولا اكبر الا في كتاب مبين - [00:09:26](#)  
ما فيش ذرة في الكون تقدر تستغنى او تنفصل عن هيمنة الله سبحانه وتعالى يبدأ يتجمع فرات التراب وتيجي المرحلة الثالثة وهو تكون الاجساد من هذا التراب. تخيل انت المنزر تحت الارض والبشر بيتكونوا تاني. كل واحد ايديه بتتكون تاني. راسه بتتكون تاني. صدره بيتكون تاني - [00:09:41](#)

ملامحه بتتكون تاني. كل بني ادم بيتكون تحت التراب. كما كان كما كان عشان يحصل المشهد اللي بعد كده وهو والخروج العظيم بقى بعد ما تنفخ الارواح في هذه الاجساد بعد ما ربنا يأذن فتنفخ الارواح في هذه الاجساد. الانسان بيبقى جسده تكون - [00:10:01](#)  
وروحوا نفخت فيه مرة اخرى فيحدث ما قاله سبحانه وتعالى. واذا القبور بعثرت واذا القبور افلا يعلم اذا بعثر ما في القبور يعني ايه بعثرة القبور؟ يعني دلوقتي بقى تحت التراب مليارات البشر يا جماعة. ولكن هو لسة مش خارج. انت متخيل! ده فيه ناس مدفونة في طبقات طبقات الارض. ده الدنيا - [00:10:21](#)  
ده احنا بقى لنا الاف السنين والاف السنين كل ما قوم ييجوا يبقى لهم مقابرهم ولهم ولهم وبعد كده ييجي ناس تانية ويبقى لهم وكأنه لم يوجد في هذه الارض التي نعيش عليها الان - [00:10:44](#)

يعني تخيل المنصورة دي ما هو من الف سنة دي كان مقابرها فين؟ من الفين سنة. مصر دي البلاد اللي الناس عايشة عليها والمدن اللي بقى لها خمس تلاف سنة المقابر اللي من خمس تلاف سنة فين؟ والمقابر اللي من سبع تلاف سنة فين؟ انت متخيل بعثرة القبور! يعني لما يعني واحد داخل يدور على - [00:10:58](#)

مثلي جوة الدولاب فلأ مش ده ولا ده وقعد يرمي ويبعثر ولا ده ولا ده ايوه هو ده من وسط الركام دهو كله طلع القميص بتاعه الملائكة بتبعثر الارض من اجل اخراج جثة جثة من مليارات البشرية. متخيل الوقتي على وجه الارض سبعة مليار بني ادم. سبعة - [00:11:18](#)

مليار بني ادم. ده غير الجن اللي على وجه الارض. ما دول هيبعثوا هم كمان. ده غير الوحوش اللي على وجه الارض. ما دول هيبعثوا هم كمان. سبعة مليار بني ادم - [00:11:38](#)

يعني كل حوالي اربعين سنة سبعة مليار زيه. شف يوم القيامة لسة عليه كم سنة. وشف من ايام سيدنا ادم لحد دلوقتي. سكن الارض كم مليار يعني تخيل كده الدنيا ديت عدد البشر اللي هيطلعوا من تحت التراب قد ايه بعد بعثرة القبور الملائكة بتطلع من تراب الارض - [00:11:48](#)

كم مليار بني ادم يدخل بعدها في مرحلة الخروج الرهيب بقى. المنزر الرهيب المنزر اللي يعني لا يستطيع الانسان ان يتخيله. تخيل انت بتبص للارض الزراعية الواسعة الكبيرة اللي على الرصيف الثاني ده اللي قدام المسجد. تخيل كده وفجأة لقيت الارض دي بتتشقق - [00:12:08](#)

يوم تشقق الارض عنهم صراعا. صراع صراعا دي ما انت عندك ييجي متين مليار بني ادم طالعين من تحت التراب. انت متخيل متين

مليار بني ادم دول طالعين ازاي! انت - 00:12:28

متخيل دول بيطلعوا صراعا صراعا. الارض بتتفتح من كل ناحية. وبشر طالعين بشر طالعين. البشر طالعين. الابن مدفون جنب ابوه  
كان بيقول نفسي اشوف ابويا طالعين الاتنين من جنب بعض من مقبرة واحدة. ما حدش بيبيص لحد. ما حدش يشوف حد. اب ابنه  
مات - 00:12:38

نفسه يشوفه ويقول لك واحشني. نفسي اشوفه. يوم القيامة ما حدش بيبيص لحد ملكات جمال العالم. طالعين من تحت التراب.  
الشاب اللي ما كانش بيقدري يغض بصره. ما حدش بيبيص لحد. اغنياء العالم واثرياء العالم. اللي - 00:12:58  
كانت بتتلف حوالهم طالعين من تحت التراب ما حدش بيبيص لحد. الرؤساء والملوك اللي كانوا يمشوا في مواكب وييجوا في  
مواكب. ما حدش بيبيص لحد. موضوع غريب جدا يا اخواننا - 00:13:14

تخيل لحزة الخروج الرهيب ربنا بيقول لك يموج بعضهم في بعض. امواج بشرية رهيبة. يعني ييجي ميت مليون جايين كده وميت  
مليون جايين كده امواج بتتلاطم في بعضها. اصطدامات بشرية ما بين امواج بشرية. اعدادها بالملايين ومئات الملايين. قال تعالى -  
00:13:28

يومئذ يصدر الناس اشتاتا ليروا اعمالهم يصدروا الناس اشتاتا شتات الكل طالع من تحت التراب ما هواش عارف هو رايع فين. الكل  
طالع من تحت التراب منزر رهيب. واحد مات - 00:13:48

وفجأة صحي ولما طلع يعني تخيل واحد نايم كده وبهزوه. اصحى مسلا اشرب كوباية الماية دي. اصحى مسلا ده في ميعاد عندك  
بعد نص ساعة انما واحد صاحي على زلزال تخيل واحد نايم كده اصحى فيه زلزال البيت بيقع. تخيل ده هيصحى على فزع شكله  
ايه. طب تخيل بقى اللي صاحي على يوم القيامة - 00:14:03

كل ملامح يوم القيامة ده صاحي على فزع شكله ايه. عشان كده قال تعالى يوم الفزع الاكبر والعياذ بالله ربنا يؤمننا يوم المخافة يوم  
الفزع الاكبر ناس مفزوعة. بيبقى منظر - 00:14:23

الخروج الرهيب يومئذ يصدر الناس اشتاتا. شتات رهيب. ربنا بيصور اللحظة بتاعة خروج مليارات البشر من تحت التراب ديت  
بيقول كانهم جراد منتشر. يعني ايه جراد منتشر؟ الجراد بيهاجر عبر الصحاري اللي بين الدول والذكور والاناس - 00:14:37  
وتنزل الاناس في الطريق تحط ملايين البيض تحت الرمل بتاع الصحراء. وبعد كده يكملوا رحلة الهجرة بتاعتهم. الملايين بتاعة البيت  
دي في وقت الله يأذن به. كلها بتبدأ تفقس. ويطلع الجراد ينط كده من تحت الرمل يطلع لفوق الرمل. فبيبقى منظر مهيب. ان ملايين  
الجراد دي كلها طالعة في وقت واحد - 00:14:57

تخيل ملايين البشر مليارات البشر طالعة في وقت واحد. والكل بييجري بعد مرحلة الخروج الرهيب. تخيل الناس دي خارجة على ايه  
؟ ما هو الناس دي خارجة يعني يعني واحد طالع كده لقي ايه مسلا ؟ لقي نفسه طالع فين ؟ يعني ارض المحشر دي لا ترى فيها عوجا  
ولا امنا - 00:15:17

تخيل ده طالع يوم القيامة طالع على ايه ؟ اول حاجة منزر الملايكة ده يخرج يلاقي الملايكة مسيطرة على المكان من كل جوانبه. ده  
ما فيش مهر ده ما فيش حد يعرف يقول لك فاذا هم قيام ينظرون. ينظرون ديت يعني واحد قاعد يبص كده يمين وشمال مش  
مصدق المشاهد اللي هو شايفها. مش - 00:15:37

مصدق اللي هو شايفه الملايكة دي كانت فين ؟ الدنيا دي كانت فين ؟ ملكوت السماوات السبع سماوات بتتفتح وملائكة السبع  
سماوات بتنزل دي كلها كانت فين ؟ هو ربنا ما لك ملك مهول للدرجة ديت. النبي ادم اول يمرر يشوف مشاهد الجلالة اللي بالمنظر ده  
- 00:15:57

اول مرة اشوف المشاهد المزهلة اللي بالمنزر ده. النبي ادم يصدم. هي دي جنود الاله اللي انا كنت باعصيه. هي دي جنود الاله اللي  
كان بينادينني وانا باقول عنه! هي دي جنود الاله! اللي انا كنت بتهرب من ان انا اتصل به. وان انا اعيش في كنفه! الانسان بيزهل  
قدامه خمسين الف - 00:16:17

بقى مشاهد مزهلة. هيفضل يشوف مشاهد لجلال الله يوم القيامة. لحد ما يذهل في النهاية. ايه ده! هيقول لك يا ليتني قدمت لحياتي. المشهد اللي الناس بتطلع عليه. كل واحد بيلقيه مستنيه ملكين مخصوص بقى. مش الملائكة العامة بتاعة يوم القيامة. ملكين مخصوص سائق وشهيد. اتنين هيسوقوه - [00:16:37](#)

ويقتضوه في ارض المحشر سائق وشهيد قال تعالى اذا رجت الارض رجا في سورة الواقعة وقال تعالى كلا اذا دكت الارض دكا دكا. ايه الفرق بين رجة الارض رجة؟ ودكت الارض دكا. الدك ده يقول لك - [00:16:57](#)

مسلا هتلر في الحرب العالمية الثانية دك باريس يعني ايه دك؟ يعني قعد يضربها بالطيارات لحد ما سواها بالارض. فالدك ده ان فيه حاجة جاية من برة. يعني الكرة الارضية الاجرام السماوية - [00:17:15](#)

تصطدم بها من برة. فالارض بتتدك الارض بتتدك، دكت الارض دكة واحدة. الارض بتتدك. طب اومال الرش؟ الرج لأ لما يكون في ازاة دوا مسلا يقول لك رجها قبل الاستعمال. يبقى - [00:17:29](#)

بييجي من برة انما الرج بييجي من جوة. الرج ده ان الارض ديت خدوا بالكم يا اخوانا اللي احنا عليها ديت مش اسمها الارض اللي احنا عليه دي اسمها القشرة الارضية. ده الارض دي قصة تحت القشرة الارضية. ده احنا تحت رجلينا. حمم بركانية متفجرة. اول درجة حرارة - [00:17:42](#)

بتوصل لست الاف درجة مئوية. عارفين يعني ايه ست الاف درجة؟ يعني درجة حرارة سطح الشمس يعني احنا تحت رجلينا حمم بتغلي. حمم بتتفجر. ربنا سبحانه وتعالى ولا حد منا حاسس بحاجة من الكلام ده. بينا وبين الحمم - [00:18:01](#)

حاجة اسمها القشرة الارضية والجبال مسببة القشرة الارضية على الحمم ديت بالزبط زي السدادة بتاعة الازاة لما بتبقى قافلة في وقت الازاة فالمية اللي جواها ما تعرفش تخرج الجبال عاملة زي سدادة الازاة كده. قافلة على الحمم اللي تحت ديه. فتخيل

القشرة الارضية اللي تحتنا - [00:18:16](#)

بتطلع لك ازهار واشجار وانت لو شفت اللي تحتها تتفزع ما ترجي الارض بقى كل ده يدخل في بعضه عشان لما الجبال تنسف كل ده هيطلع كل ده انت هتطلع تخيل يوم تكون السماء كالمهل. المهل ده زي الزيت المغلي كده. يعني السما مش بتمطر مية. السما بتمطر -

[00:18:36](#)

مغلي. السما بتمطر معادن زائبة. يعني منزر مهيب يا جماعة. يوم القيامة حينما يتدبره الانسان يستشعر انه لا نجاة الا بالعمل الصالح صلح الان. انك تبقى في كنف ربنا في هذا اليوم. عشان كده كما قال تعالى وتلقاهم الملائكة هذا يومكم. يعني ايه تتلقاهم -

[00:18:58](#)

يعني هم لسه طالعين من تحت التراب كده والملائكة واقفة لهم ما تخافوش كل ده مش عشانكم انتم ما تخافوش. انتم لكم معاملة تانية خالص. وتتلقاهم كما قال تعالى ولقاهم نظرة وسرورا. قال لك يعني ايه لقاهم؟ قال لك يعني من اول - [00:19:17](#)

لحزة يعني من لحزة الخروج من تحت التراب ربنا بيلقيهم نضرة وسرور. ما لهمش دعوة بهذه الاحوال خالص. دول اهل الايمان. فمن ان من هؤلاء سبحانه الله العظيم المشهد اللي الناس هتخرج عليه. مشهد عجيب ورهيب. طب الناس نفسها يبقى شكلها ايه؟ الناس

اللي خارجة كل واحد خارج - [00:19:34](#)

عليه اثر العمل بتاعه. سواء عمل صالح او عمل سيء. كل ده يا اخوانا نحن نتحدث عن اللحظات الاولى في يوم القيامة. لما البعس ده كله بيخلص الساعات الاولى من خمسين الف سنة خلصت. خمسين الف سنة. يوم القيامة القرآن والسنة اتكلموا عن تفاصيله بصورة.

المفروض انها - [00:19:54](#)

واحنا في رمضان بنقرأ القرآن عايشين مع آيات ربنا. اقف الكلام وراه معاني. الكلام كل حرف منه محتاج وقفة القرآن تكلم عن الجنة والنار كلام يطير النوم من العين. يشيب شعر الرأس. ويشيب القلب ولكن القضية انك انت تقف مع هذا الكلام. تشوف الكلام ده بيقول

ايه. حينما يخرج - [00:20:14](#)

الناس كل واحد بيبقى خارج عليه اثر الطاعة بتاعته او اثر المعصية بتاعته. ازاى؟ يعني مسلا اللي اتجوز اتنين وزلم واحدة يطلع يوم

القيامة ملوح ملوح مائل على شق كده في يعني يوم القيامة. تخيل واحد يوم القيامة بقى يعني تخيل انت لو صحيت من النوم كده وعندك شد عضلي كده في ضلع ولا حاجة. تفضل - [00:20:37](#)

اربع تيام تاخذ مسكنات ومش قادر تتحرك. ونفسك نفسه يسمع في يشد على الالم ويوجع. طب تخيل بني ادم خمسين الف ملوح بقى. خمسين الف سنة مايل على شق. خمسين الف سنة جسمه ده متني بسبب انه ظلم واحدة على حساب واحدة في الدنيا. طيب ممكن تلاقيهم - [00:20:57](#)

القيامة طالعة واحدة متبرجة. حاجة بقى ايه يعني يعني زي التليفزيونات الفاسدة كده. بس آآ يومها ما حدش هيبصوا لحد اصلا الموضوع اخطر من كده امال دي طالعة كده ازاي ولا بسة اللبس ده ازاي والناس طالعة حفاة عراة من تحت التراب لا قال رسول الله صلى الله عليه وسلم - [00:21:17](#)

يبعث كل امرئ على ما مات عليه من الثياب. ازاي يا جماعة؟ لو الثياب دي ثياب معصية ربنا كتب انه كل انسان يبعث على ما مات عليه. يعني اللي مات شهيد طالع الدم بيتفجر والمسك بيتفجر. اللي مات في عمرة وحج. طالع من تحت التراب الناس بتصرخ. وهو بيقول لك - [00:21:37](#)

لبيك اللهم لبيك. لبيك لا شريك لك لبيك. طالع بينه ربنا. فاللي ماتت على التبرج. اللي ماتت على لبس متبرج اوعى يوم القيامة متبرجة فضيحة يوم القيامة هتقف بين ايدين ربنا كده ازاي؟ هترد على حوض النبي عليه الصلاة والسلام كده ازاي؟ الواحدة المفروض تقف قدام - [00:21:57](#)

في البداية وتبص لبسها وتقول اللبس ده ينفع اقبال به ربنا؟ اللبس ده ينفع اقبال به النبي عليه الصلاة والسلام على حوض النبي؟ كل عليه الصلاة والسلام كل انسان بيطلع في البعس من تحت التراب عليه اثار الطاعة بتاعته او اثار المعصية بتاعته. كل واحد المتصدق يلاقي سحابة مستنياه. تظلمه من - [00:22:17](#)

امس المحشر يوم القيامة. ليه؟ لانه في ظل صدقته. كل واحد المرابي اللي كان عايش على فوايد الربا بتاعة البنوك الربوية. اللي كان عايش على الربا يقوم مجنون من تحت التراب. الذين يأكلون الربا لا يقومون. اي يوم القيامة الا كما يقوم الذي - [00:22:39](#)

خبطه الشيطان من الناس قايمين زي المصروعين يوم القيامة. زي اللي عنده صرع زي اللي جن عقله. يوم القيامة. قال تعالى يعرف المجرمون بسيماهم يعني الملائكة اللي مستنياه النبي ادم وهو طالع اول ما النبي ادم بيعرف بيطلع من تحت التراب الملائكة بتعرف اصلا ده - [00:22:59](#)

من اهل النعيم ولا من اهل العذاب ليه؟ لان فيه سيما. السيمة دي اصلا يا اخوانا في اللغة جاية من الوسم الوسم اصلا في اللغة هو لما كان زمان - [00:23:19](#)

ببقى الناس ساكنة في خيم وكل واحد له غنميتين او جملين. فكل واحد عايز يعلم الانعام بتاعته عن الثاني. يقوم يكويها في جزء من جسمها انا عامل اللي مكوية في رجليها اليمين القدامانية دي بتاعة فلان. والانعام اللي مكوية في ودنها الشمال بتاعة فلان. والانعام اللي مكوية في ديلها بتاعة فلان. فالوسم - [00:23:31](#)

اساسا هو الكي بالنار من اجل تعليم هذه الكائنات عن غيرها من الكائنات. فتخيل ان في ناس طالعة من تحت التراب كانت بتكوى في القبر والعياذ بالله اه بعد كده الناس خدت المصطلح ده وخدته في حاجات تانية. يقول لك فلان وسيم. يعني ايه فلان وسيم؟ يعني ملامحه من جمالها مميزة عن ملامحه - [00:23:51](#)

التانية فاصبحت السمة سواء في الصح او في الغلط. سواء في العذاب او في النعيم. ففي ناس طالعة من تحت التراب. برضو معلمة عن غيرها بالنعيم اللي كانت بتتنعمه تحت التراب. لان تحت الارض حياة كاملة. النعيم اللي تحت الارض في القبور اعظم من اي نعيم فوق - [00:24:11](#)

تراب والعذاب اللي تحت التراب اعظم من اي عذاب فوق التراب. والاحداس اللي تحت التراب اعظم من اي احداس فوق التراب. خل تقوم الحرب العالمية الثالثة الوقتي خلي اللي يحصل يحصل. خلي التقلبات الاقتصادية والسياسية تحصل في دول العالم كلها. اللي

تحت التراب عندهم احداًس. اخطر مليار - 00:24:31

مرة واللي مشغول عن دين ربنا وعن عبادته وعن صلته بالله باي شيء مهما كان لو مات النهاردة لما هيدخل قبره اصغر معصية كان بيعق فيها. هتشغله اكر من اكبر حدس كان بيستناه عشان يتابعه ويشوف الاخبار اللي حصلت في ايه. اقل - 00:24:51

كان مقصر فيها. هتشغله اكر من اخطر حدس كان بيحصل على وجه الارض. الانسان يجب ان ينتبه يا اخوانا ان الكلام ده جد يا اخوانا قال تعالى وانا لصادقون. هو انا ممكن واحد يقول له قاعد كده ايه آآ يطلع له مطواة مسلا ولا يقول له انا هاضربك او اب يقول لابنه انا هاضربك بيعمل ايه ؟ بيهوشه. هو قصده ايه ؟ - 00:25:12

اسكت بقى. انما هو بيهوشه. انما يا جماعة الكلام ده مش كده خالص. ولله المثل الاعلى. وانا لصادقون. الكلام ده هنشوفه بعيننا واقع مش معنى ان احنا ما بنفكرش فيه ان احنا مش هنعيشه. الكلام ده كل اية في القرآن هتحصل. كل حديس عن الجنة والنار والقيامة. والقبر هيجصل - 00:25:34

الكلام ده واقع اذا وقعت ليه ؟ الواقعة امر واقع قضية منتهية. كل التفاصيل اللي ربنا قالها سبحانه وتعالى قضية امر واقع هتحصل هتحصل. موضوع منتهى. القضية قضية احنا بنستعد - 00:25:54

ولا ما بنستعدش لها. يعني لو واحد يعني عنده عشر عيال وسألناه انت يعني بتنام كويس يقول لك بقى ايه انام يا نهار ابيض ! يا عم انام امتى يا عم ! ده انا باشتغل من اول النهار عشان اجيب لهم ياكلوا ويشربوا. اجي انام شوية بعد الظهر اقول يا عم هتنام امتى -

00:26:09

هتجيب لهم كسوة الصيف والشتا وروشتات الدكاترة امتى ؟ انزل اشتغل اجي انام بالليل اقول يا عم هتنام امتى يا عم ؟ انزل اشتغل مصاريف المدرسة خلاص شهرين وهيقولوا لك هات مصاريف المدرسة. وهات كتب المدرسة وهات كراسات المدرسة. قم اشتغل.

كذلك يا اخواني اللي شايل هموم الدار الآخرة - 00:26:28

ازاي ؟ هاعمل ايه في البعث ؟ وهعمل ايه ساعة ما اثرت القبور ؟ واعمل ايه في الحشر ؟ واعمل ايه على الصراط ؟ واعمل ايه ساعة العرض على الله ؟ ما يعرفش ينام ما يعرفش ينام لا ينام. سبحان الله ! عشان كده ربنا قال ومن الليل فتهجد به. تهجد بالقرآن التهجد هو ازالة - 00:26:48

والوجود هو النوم. يعني القرآن بيطير النوم من عينين اللي بيقراه. يعني انت لو قرئت القرآن بقلب حي النوم هيطير من عينيك ليه ؟ لانه عن مشاكل هتعمل فيها ايه ؟ استعدادت لها ولا ما استعدادتش لها ؟ اشد من اللي عنده عشر عيال ومطلوب ان هو يستعد لهم. بعد

كده - 00:27:09

انا عايزك تتخيل معي ان متين مليار بني ادم طالعين من تحت التراب ومتين مليار جن زيهم طالعين من تحت التراب. والوحوش والحيوانات والانعام طالعة من تحت التراب. طبعا ما فيش حيوان بيعتدي على حيوان. الموضوع - 00:27:29

وحتى الاسود نفسها مفزوعة. حتى الوعيزة الوحوش حشرت. الوحوش نفسها مفزوعة. فما بالك بادن ادم المؤودة. واذا المؤودة سئلت باي ذنب قتلت ؟ يعني طالع كده ايه ؟ نونوهات كده من تحت التراب. دول المؤودات اللي وجدت. يعني انت متخيل هذا المنظر

المهيب اللي ما - 00:27:44

بيبص لحد اخر حاجة في اخر حاجة في البعث قبل ان تبتدأ المرحلة التي تليها. اخر حاجة في البعث. البعث بيتم على الكرة الارضية دي يا جماعة ودي اخر عهدنا بالكرة الارضية. دي نهاية الارض اصلا. قال تعالى وما قدروا الله حق قدره - 00:28:04

يعني القيامة مش الخمسين الف سنة بيتموا على الكرة الارضية دي. الخمسين الف ده هي البعس بس من يوم القيامة. امل بقية يوم القيامة بيحصل على ارض تانية يعني كما سنقول الان انما اللي بيحصل قال تعالى وما قدروا الله حق قدره والارض جميعا قبضته

يوم القيامة. والارض - 00:28:22

جميعا قبضته يوم القيامة. تخيل لحظة القبض على كل مجرمي الارض. لما يقول لك فلان قبض يعني فلان مات. دي اخر لحظة في عمر الارض. ولكن من قبل ما ينتهي قصة الانسان مع هذه الارض التي عصي الله عليها الف السنين. التي عصي الله عليها في كل

ساعة من ليل او نهار - 00:28:42

التي عصي الله عليها بكل انواع المعاصي التي عصي الله عليها بكل جارحة اعطاها للانسان لكي يطيع الله سبحانه وتعالى قبل ما تنتهي قصة الانسان مع الارض بيحصل مشهد عجيب. قال رسول الله صلى الله عليه وسلم - 00:29:02  
فقيه الارض فلذات اكبادها. تقيه الارض تبدأ ترجع. زي ما انسان يستقيه اللي في بطنه. تقيه الارض فلذات اكبادها. الارض تبدأ تطلع الذهب اللي جواه بقى تطلع المال الفلوس اللي جواها تطلع الدينارات والدولارات واليوروها والاسترليني والذهب - 00:29:19  
والمجوهرات والجنيهاات الذهب الارض تطلع تقيه الارض فلذات اكبادها مثل الاسطوان من الذهب مثل من الذهب فيأتي القاتل فينظر الى المال ويقول في هذا قتلت انا قتلت عشان ده ويأتي السارق وينظر الى المال ويقول في هذا سرقت ويأتي قاطع الرحم -

00:29:39

وينظر الى المال ويقول في هذا قطعت رحمي. ما كنتش بزور اخواتي ولا اعمامي ولا اخوالي في العيد. عشان اوفر على نفسي تمن كزا كيلو فاكهة ولا ولا تمن آآ مواصلة وفيه هذا ولا عشان بيني وبينهم خناقة على ورس - 00:30:03  
كنا بنتشكل على مال من الاموال في هذا قطعت رحمي عشان دي. هو امبارح لما كانوا بيشفوا دي كان آآ كانت عينيهم من مكانها. بس لما كانوا مش شايفين الاخرة. النهاردة ربنا عمل لهم مشهد غريب اوي. حط لهم الدنيا جنب الاخرة. حط لهم الدنيا في قمة زينتها.

مثل - 00:30:18

الاسطوان من الذهب اسطوانات ذهب كده طالعة له جبال ذهب كده طالعة لهم قدام عينيهم. منزر البشر كانوا بيدبحوا بعض في الدنيا عشانها. فتخيلوا تخيل بقى المنزر ده قمة الدنيا بس وهم في البعس المرة دي بقى. المرة دي مش بيبصوا للدنيا والاخرة غيب. المرة دي بيبصوا للدنيا وهم شايفين الاخرة - 00:30:38

كلهم يبصوا يقولوا دي هي دي اللي شغلطنا عن ربنا ثم يتركوه ويذهبوا كلهم يكملوا طريقهم عشان نبدأ المرحلة الثانية من مراحل يوم القيامة. وهي مرحلة الحشر. يعني ايه مرحلة الحشر يا اخواني في الله؟ يعني ايه الحشر؟ ايه الفرق - 00:30:58  
البعث والحشر البعث ده الناس طالعة من تحت التراب كله داخل في بعضه. اومال الحشر الحشر ده تفويج. يعني ايه التفويج؟ الناس

دي بقى هتترتب. ان ارض المحشر بعد الحشر بقت ارض منظمة - 00:31:18

بقى معروف كل حد فين وكل حد مع مين عارفين زي اللي بيسافر الحج كده ونزلوه مدينة الحجاج ها المصريين هنا الاثراك هنا الافارقة هنا الاوروبيين هنا يبقى كل اهل دولة موجودين في مكان ده اسمه التفويج. ولكن التفويج بتاع الحش ده - 00:31:32  
تفويج مبدئي يعني ايه؟ يعني فيه تفويج ثاني مصيري بيحصل بعد العرض على الله في نهاية يوم القيامة. التفويج النهائي بقى. اللي هم دول صحبة بعض في جنة او صحبة بعض في النار والعياذ بالله. اومال التفويج ده تفويج مبدئي. ايه التفويج ده؟ واذا النفوس زوجت. يعني ايه؟ يعني كل الناس تيجي مع بعض - 00:31:52

اللي اهل الصلاة ييجوا هنا. والصوامين ييجوا هنا والزناة هنا والسارقين هنا والحكام الظلمة هنا والمتبرجات هنا واللي مشي ورا امهات المؤمنين هنا واللي دعوا الى الله هنا مجاهدين في سبيل الله هنا واللي كلوا مال حرام هنا والمرابين هنا واليهود هنا والنصارى هنا وعباد الاوسان هنا - 00:32:12

تفويج على المليارات دي بتتردد. طب بيتعرفوا ازاى كل ناس اشتركت في طاعة او في معصية طالعة من تحت التراب عليها اسر هذه الطاعة او اثر هذه المعصية. فالملايكة بتجتمع بسهولة الموضوع بسيط - 00:32:39

كل اللي شبه بعضه ييجي مع بعضه. لان كل واحد اثر الطاعة بتاعته او المعصية بتاعته باين عليه. فيبقى التفويج المبدئي اذا نفوسه زوجت. طبعا مفاجآت يا اخواننا يعني ممكن واحد ييجي شاب كده ويلاقى نفسه مع المغني فلان انا مالي! يحشر المرء مع من احب هو ده حبيبك. ده اللي كان - 00:32:54

صورته متعلقة في اوضتك. ده اللي كانت رنة محمولة كرنته. ده اللي كان تسريحة شعرك تسريحته. ده اللي انت كنت بتابع اخباره. وهتعمل له لايكات على الفيسبوك على الحاجات اللي تبعه هو ده حبيبك. يحشر المرء مع من احب. واحد يلاقى نفسه مع النبي عليه

الصلاة والسلام. ازاى يا رب! ده انا كنت غلبان في الدنيا يحشر المرء مع من - [00:33:14](#)

واحد يلاقي نفسه مع ابو بكر وعمر يحشر المرء مع من احب. يعني مرحلة التفويج المبدئي ده يا جماعة مرحلة مليانة مفاجآت ومليانة رعب واحد لقي نفسه مع مجموعة من العصاة. انا ايه اللي جابني معهم؟ يبقى انا متصنف كده. يعني اللي لقي نفسه مع

طائعين يفرح. انما اللي لقي نفسه مع - [00:33:34](#)

انت كنت مع دول. عشان كده اللي بيلقي نفسه مع العصاة يعني بيقطعوا في بعض يوم القيامة بيقطعوا في بعض. بعد كده يعني

تخيل كده. انت هتبقى في انهي فوق؟ - [00:33:54](#)

يعني اسأل نفسك هو الحشر ده مش لي ولك؟ انت هتبقى في انهي فوق؟ هتبقى فوق العباد احنا يا جماعة صيامنا وقيامنا علاقتنا بالقرآن فكرنا لله يوقفنا مع العباد طب هتبقى في فوج الدعاة! طب احنا شغلنا في الدعوة الى الله! جوة بيوتنا وفي شغلنا وفي

دراستنا وفي الشارع! يوقفنا مع الدعاة! طب - [00:34:07](#)

مع المجاهدين طب انت جهادك في سبيل الله ضحيت بدمك عشان ربنا في الجهاد في سبيل الله. الله! طب هتقف مع العلماء طب

انت طلبت العلم واجتهدت وملت على طلب العلم فتقف مع اهل العلم يوم القيامة؟ طب احنا هنقف مع مين يا جماعة - [00:34:30](#)

احنا نقف مع انهي فوج يا اخواننا؟ يوم القيامة عايز تركيز يا جماعة. الجنة مش كده. الجنة مش انت جايب خمسين في المية ادخل.

ستين في المية ادخل. سبعين في المية. الجنة - [00:34:47](#)

كل باب من ابواب الجنة له اسم. ده باب الصلاة. ده باب الصدقة. ده باب الجهاد. ده باب الصيام. ده باب الجنة ابوابها لا اسماء. معناها

ايه؟ معناها ان الجنة عايزة تخصصات - [00:34:57](#)

تخصصات يعني يجيب لك عقد عمل من برة مسلا. عايزين دكتور امراض جلدية مواصفاته كزا. وعاييزين جراح اوعية دموية

مواصفاته كزا. واحد يقول لك انا والله بفهم في كل حاجة - [00:35:10](#)

انا يعني ايه بفهم في ده لا لا ما تنفعناش ما تنفعناش ليه؟ احنا عايزين تخصصات اهو بالزبط كده يوم القيامة عايز تخصصات.

التفويج ده ايه العمل اللي انت ركزت عليه؟ ايه العمل الصالح اللي انت - [00:35:20](#)

احتسبوا ان ده سبب نجاتك يوم القيامة. تخيلوا بقى ان مش فيه ناس هتبقى في افواج. ده فيه ناس هتبقى قادة افواج قادة افواج

من كتر ما تميزوا في اعمال سالحة في الدنيا. تخيل كده يعني قائد في فوج الاخوة مسلا. قائد في فوج الدعوة مسلا. تخيل كده -

[00:35:36](#)

عشان كده ساعة الحشر فيه افواج عجيبة اوي. هتلاقي فوق حشرات عشرات جاية. ده ايه ده! ايه الفوج ده! ده الحكام الظلمة الحكام

المفسدين الحكام اللي افتروا على الشعوب وقتلوا الشعوب حشرات. الحكام المتكبرين يبجي يوم القيامة زي الحشرة يداس بالاقدار

- [00:35:54](#)

فوق حشرات. هتلاقي فوج ثاني جاي رايات مغروزة في ادبارهم. دول مين دول الخونة اللي خان زوج مع زوجته. اللي خان اه اه بلد

اللي خان اللي خان حاجة ربنا سبحانه وتعالى سماها خيانة في دينه. اللي خان الخائن الخونة جايين يوم القيامة مغروس في -

[00:36:14](#)

اكبرهم رايات مكتوب عليها هذه غدره فلان. فلان ده خاين. فلان ده غدار. بعد كده لما الناس بتتفوج بتبدأ الجزء الثاني ان الحشر وهو

ايه؟ الاقنياد لارض المحشر. هي ايه ارض المحشر دي بقى؟ قال تعالى فاذا هم - [00:36:34](#)

الساهرة فاذا هبس الساهرة دي اللي هي ارض المحشر. سموها ساهرة ليه؟ قال لك لان خمسين الف سنة بلا نوم. خمسين الف سنة ما

فيش واحد بعد عشر تلاف سنة في يوم القيامة يقول لك انا - [00:36:53](#)

عايز اريح ساعتين. ما فيش واحد بعد ثلاثين الف سنة يقول طب سيبوني بس. انام لي اميل لي بس نص ساعة كده على جنب. ما

فيش الكلام ده. عشان كده بعض العلماء - [00:37:04](#)

قال لك الساهرة دي من اسماء جهنم كمان. قال لك ليه؟ قال لك لان اهلها لا ينامون من العذاب. لا ينامون من العذاب كما في الاثر اذا

دخل اهل النار النار - 00:37:14

فلا والله لا تذوق اعينهم غمض نوم ابداء. ولا والله لا ينظرون الى اديم الى سماء ابداء. ولا والله لا يطأون باقدامهم اديم ارض ابداء.

والعياذ بالله. فما بيناموش. فالساهرة دي الاقتياد بتاع البشر كلهم لارض المحشر بقى - 00:37:24

قال تعالى يومئذ يتبعون الداعي لا عوج له. اللي هيتقال له اطلع في ظل في الشمس هيروح. اللي هيتقال له في ظل العرش هيروح ما فيش ما فيش حد هينطق لا عوج له في الدنيا لما ربنا قال في سورة الكهف الحمد لله الذي انزل على عبده الكتاب ولم يجعل له

عوض - 00:37:44

المفروض القرآن في الدنيا لا عوج له. المفروض لما يناديك تستقيم في الدنيا الناس كانت بتكسر الكلام ده. طب يوم القيامة فيه داعي ثاني غير دع الدنيا بتاع القرآن الذي لا عوج له. فيه داعي يوم القيامة برضه لا عوج له. ولكن ما حدش يقدر يخالفه يوم القيامة.

ما حدش يجرو انه يخرج عن الطابور بتاع - 00:38:04

الاقتراض لارض المحشر. حدش يجرو انه يفكر انه يخالف اصلا. طب ما كنت في الدنيا من الاول تستجيب للداعي الذي لا عوج له وهو القرآن. بعد كده الناس في ارض المحشر بتفوج ثلاث انواع. نوع بيطلع على جهنم على طول. ما لوش حساب ده والعياذ بالله -

00:38:24

ما لوش حساب ده ده على طول ويوم تقوم الساعة ادخلوا ال فرعون اشد العذاب. ده ده لا له ميزان ولا صراط ولا له دعوة بالقصص

دي. ده على جهنم على طول والعياذ بالله. النوع الاولاني - 00:38:40

النوع الثاني اللي بيقف في ارض المحشر والشمس على بعد ميل من الرؤوس ويلجمهم العرق الجاما. ده عامة البشر يا جماعة ده عموم البشرية بتقف في ارض المحشر ده ساحة الحساب اصلا بتاعة يوم القيامة. متخيل كده كل واحد بيعرق على قد زنوبه -

00:38:52

توبوا. يعني ايه كل واحد بيقرأ على قد زنوبه؟ يعني تخيلوا لو كان جسم النبي ادم بينطق عليه في الدنيا لو كان بينطق عليه كان عمل ايه هو يوم القيامة جسم كل واحد بينطق عليه في شكل عرق. كل واحد ذنوبه بتطلع عليه في شكل عرق. تخيل المنزر التفويج

التالت - 00:39:12

يبقى الى ظل عرش الله. المقصورة الملكية يوم القيامة على منابر من نور. يشرب من ايد النبي عليه الصلاة والسلام. تخيل واحد انا مش متخيل احساس واحد واقف في شمس القيامة ببص لواحد ثاني مسلم زيه. يا اخوانا اللي بيقفوا في ارض المحشر العامة مش

كفرة. يعني مش كلهم كفرة فيهم مسلمين - 00:39:32

عادي اللي بيقف في ظل العرش دول دول بتوع المقصورة الملكية. دول اللي كانوا في الدنيا في وادي والناس في وادي. ففي الاخرة ربنا برضو مميزين عن الناس. كانوا مشغولين بالله في الوقت اللي الناس اتشغلت فيه بالدنيا. كانوا مشغولين بطاعة ربنا في الوقت

اللي الناس اتشغلت فيه بمعصية ربنا - 00:39:53

كانوا مشغولين برضى الله في الوقت اللي الناس اتشغلت فيه بالشهوات. فيوم القيامة ربنا يحط الناس كلها في مكان ودول في ظل

عرش الله يوم لا ظل مش متخيل احساس واحد ببص لواحد واقف في ظل العرش - 00:40:13

بيقول له ايه يعني بيفكر في ايه؟ ده احنا كنا احنا اللاتنين مع بعض. ده احنا كنا بنصلي في مسجد واحد ده احنا كنا احنا اللاتنين

ساكنين في شارع واحد - 00:40:28

تخيل واحد واقف في الشارع كده ولقى عربية حاجة كده عربية بنتلي كده ولا عربية هامر ولا عربية كريزال كده ولا اي حاجة وصاحبها معدي قافل الازاز والازاز مشبر من التكيف وهو واقف كده في الحر في الموقف مستني ميكروباص يلاقي في مكان فاضي

وصاحبنا معدي كده - 00:40:37

حلو في العربية بتاعته. يقول ياه! هي دي الناس اللي عايشة. هي دي العيشة ولا بلاش! تخيل ده في الدنيا انما يوم القيامة بقى اللي

واقف في شمس القيامة ببص للي في ظل عرش الله بيقول ايه ده! هي دي الناس اللي عايشة. يا ليتني قدمت لحياتي - 00:40:57

اقول قولي هذا واستغفر الله لي ولكم الحمد لله وكفى وصلاة وسلاما على عباده الذين اصطفى اللهم لك الحمد كله ولك الملك كله وبيدك الخير كله واليك يرجع الامر كله. لبيك يا ربنا وسعديك والخير كل الخير في يدك والشر ليس اليك. انا بك واليك. تباركت وتعاليت - [00:41:16](#)

استغفرك واتوب اليك. اللهم صل على الحبيب محمد وعلى ازواجه امهات المؤمنين وعلى ذريتي وال بيتي انك حميد مجيد. اما بعد اخواني واحبابي في الله اه اه موضوع يوم القيامة ده موضوع ما بيخلصش يا اخواننا. احنا دلوقتي لسة بنتكلم في الساعات الاولى من يوم القيامة كل ده ساعات ده يوم القيامة ده لسه فيه تطاير صف - [00:42:02](#)

ولسه في اربعين سنة الناس هتفضل واقفة كده ما فيش لا حساب ملايكة ولا حساب مع ربنا ولا ميزانة. قاعدين بس ايه اقرأ كتابك كفى بنفسك اليوم عليك حسيبا في ميزان ولسه في صراط ولسه في عرض على الله. ولسه في قنطرة ولسه في تفويج للنار وتفويج للجنة. ولسه قصة يا اخواننا عالمة - [00:42:23](#)

يا جماعة عالم عايز تكتشف هذا العالم اكتشف وانت بتقرأ كتاب الله في رمضان. مش كده مش بنقرا القرآن في رمضان كده وخلص بنفرم. انا خلصت ثلاث اجزاء. انا ختمت يا عم اقف - [00:42:43](#)

شف انت بتقرا ايه الذين اتيناهم الكتاب يتلونه حق تلاوته. حق تلاوته. بيقروه صح. كانت النتيجة اولئك يؤمنون به. كانت النتيجة انهم وصلوا للإيمان واليقين. لانه قرأ القرآن صح. انما اللي بيقراً غلط لما النبي عليه الصلاة والسلام نزل عليه خواتيم ال عمران. ان في خلق - [00:42:57](#)

والارض واختلاف الليل والنهار لايات سيدنا بلال جه يصحيه للفجر لقي النبي النبي كان بينام دقائق كده او حاجة بسيطة قبل الفجر نومت السحر الاعلى. عليه الصلاة والسلام. جاي يوقظه - [00:43:19](#)

النبي نايم بيكي. بيكي السيدة عائشة بتقول الليلة ديت اللي نزل عليه الايات دي كانت اعجب ليلة شفتها في حياتي. النبي ما نامش. فضل يصلي ويبكي طول الليل لحد ما بل لحيته وبل صدره وبل الارض. عليه الصلاة والسلام. سيدنا بلال جه بيقول له يا رسول الله ما يبكيك يا رسول الله؟ قال لقد انزل علي الليلة ايات - [00:43:32](#)

ويل لمن هجرها النبي قال كده؟ لأ ويل ويل دقن جهنم جريمة عقوبتها في الآخرة جهنم. ويل لمن قرأها. يا نهار ابيض! قرأها! انت عارف ويل للمصلين من غير ما تكمل كده - [00:43:52](#)

ها الذين هم عن صلاتهم زاهون. وقروا اللي من قرآن. امال الحل ايه يا رسول الله؟ ويل لمن قرأها ولم يتفكر فيها مش كده يا اخوانا القرآن مش كده. القرآن مش آآ يعني مش نزرة دقل كده فرم وخلص. ها يا اخوانا اولئك عن الفهم - [00:44:11](#)

الى معزولون اللي بيقرا القرآن بهزه الطريقة هيفهمه ازاى الانسان لازم يقف بقلبه مع كلام ربنا سبحانه وتعالى ويعظم كلام الله. ده انت لو جالك من مدير الشغل ورقة فيها تنبيهات هتركز في كل كلمة ليه - [00:44:31](#)

مدير الشغل يا عم ده لو جا لك ورقة من رئيس الجمهورية لك انت مخصوص فيها توجيهات هتركز في كل حرف رئيس الجمهورية. يا عم انت نازل لك من فوق سبع سماوات - [00:44:46](#)

رسالة من المالك سبحانه وتعالى فماذا ستفعل فيها اخواني واحبابي في الله المرأة اللي كان عندها الصرع اللي كانت مريضة بالصرع راحت للنبي عليه الصلاة والسلام. قالت له يا رسول الله اني اسرة انا رسول الله مريضة. المرض ده شايلى لي حياتي - [00:44:56](#)

المرأة دي ممكن بسبب المرض ده مش عارفة تجوز او متجوزة ومش عارفة تقوم بحقوق بيتها ولا بحقوق ولادها. او متجوزة ومش عارفة تنجب. المرض ده يعني مرض شال الله - [00:45:11](#)

لا حياة يا رسول الله اني اصرع. انا مريضة يا رسول الله عليه الصلاة والسلام. فادعو الله لي ان يشفيني. فقال النبي صلى الله عليه وسلم ان شئت دعوت لك فشفاك وان شئت صبرت ولك الجنة. الله اكبر - [00:45:21](#)

ان شئت دعوت لك فشفاك ربنا مجيب الدعاء. وان شئت صبرت ولك الجنة. الست لما لقت كفتين كف فيها الشفاء وكفى فيها الجنة اختارت الجنة. قالت ولي الجنة. اصبر ولي الجنة. الست دي قررت انها تصبر طول عمرها عشان في الآخر تاخذ الجنة. انت

مطلوب منك في رمضان تصبر - 00:45:37

شهر عشان تاخذ الجنة مش هتصبر على مرض ولا هتصبر على جهاد ولا هتصبر على تضحية بدمك. ده انت هتصبر على امتع حاجة في الحياة. الصلاة والصيام والقرآن والاعتكاف في المسجد. مين يا اخوانا فينا ناوي يعتكف في العشرة الاواخر - 00:46:00  
مين يا اخوانا فينا ناوي يقول يا رب انا في رمضان وقف لله تعالى مين يا اخوانا ناوي انه في رمضان يقضي الساعات في تلاوة القرآن بقلب حاضر وذهن حاضر. مين يا اخوانا ناوي انه - 00:46:19

ربنا في رمضان عبادة صح عشان يخرج بعد رمضان متغير. مش يعبد العبادة اللي احنا بنشوفها ويعصى الله في اول ليلة في شوال اكبر معاصي بتحصل في الامة كان احنا مش خارجين من رمضان. كان احنا اكثر ليلة بيعصى الله فيها هي اول ليلة في شوال. هي اول ليلة بعد رمضان. يعني المغرب ادن الناس - 00:46:35

اطرد والفجور بدأ في الشوارع. يا نهار ابيض! ده احنا خارجين من ثلاثين يوم. لو كنا بنقرأ القرآن صح. ما كانش المنزر ده حصل في الشوارع لو كان رمضان الامة بتستسمره صح ما كانش المنزر ده حصل في الشوارع. ما كانش المنزر ده حصل فور رمضان ما انتهى. يعني تخيل كده يعني عيان مسلا - 00:46:56

كحة مسلا ولا سخونية والدكتور ادي له ثلاثين حقنة. ثلاثين حقنة في العلاج. المفروض بقى العالم يقوم ينط. فجأة تلاقي العيان حرارته عيلت اكثر نهار ابيض! هو فيه ايه! الدواء فيه مشكلة! لأ مش المشكلة في العلاج! امال ايه! المشكلة في مفسدات العلاج! زي اللي عنده سكر ياخذ آآ بتاع - 00:47:16

الانسولين ويقوم واكل حباية بتاعة حنتين بسبوسة. طب انسولين هيعمل لك ايه بقى ؟ ما فيش فايده. الامة بتاخذ العلاج وهو الطاعات مع مفسدات العلاج المعاصي الارتباط بالتمسيليات الارتباط مواقع فاسدة على النت. اطلاق البصر في الحرام في الشوارع. استمرار الاكل من حرام حتى في رمضان - 00:47:36

يا اخوانا عايزين نستفيد من فرصة العمر اللي ربنا فتحها لنا. لو حد مننا جا له عقد عمل في الخليج شهر بمليون جنيه مش هيضيع الفرصة. انت جاي لك عقد عمله - 00:47:56

مع الله شهر الفردوس الاعلى اللحزة اللي احنا فيها الوقت دي ابواب السماوات السبع مفتوحة. ابواب الجنة التمانية مفتوحة. ابواب خزاين ربنا مفتوحة. اوعى كل ابواب ابواب الرحمت دي تتفتح وفي الاخر انت ما تستفادش منها. اوعى ربنا يدريك فرصة للعتق من النار كل يوم وكل ليلة وفي الاخر نخرج - 00:48:06

ما تعتقناش من النار رجل الاعمال اللي كان اتهم في قتل يعني واحدة ممن يسمون فنانات يعني المحكمة يعني ما لناش دعوة بالحكم بقى صح ولا غلط انما احنا نحكي العبرة المحكمة حكمت عليه بالاعدام. عرض خمسة مليار دولار على اهلها عشان يتنازلوا عن القضية. عرض اربعين مليون - 00:48:27

مليار جنيه عرض اربعين الف مليون جنيه عشان يتنازلوا عن القضية. ليه ؟ عشان تعتق رقبته من حبل المشنقة. طب اومال رمضان اللي بتعتق رقبته فيه من النار تدفع فيه قد ايه ؟ مش من حبل مشنقة دنيا رايحة رايحة من جهنم تدفع فيه قد ايه ؟ عايزين نركز يا جماعة عايزين ندفع تمن - 00:48:49

في رمضان رغم انك ادرك رمضان ولم يغفر له هيتمرغ في تراب ارض المحشر من الندم على كل رمضان راح عليه نص اهل الجنة هيدخلوا الجنة بسبب رمضان نص اهل الجنة على الاقل ممكن يدخلوا الجنة بسبب رمضان. والنص الثاني ممكن يدخل بسبب الابتلاءات اللي كانت الناس صدورها ضيقة بها في الدنيا. وهي سبب نجاتها في الآخرة. عايزين - 00:49:10

نعامل ربنا صح. عايزين نعاهد ربنا على الطاعة. نسأل الله سبحانه وتعالى. اللهم بارك لنا في رمضان اللهم بارك لنا في رمضان. اللهم لا تخرجنا من رمضان الا وقد غفرت ذنوبنا. وكفرت عنا سيئاتنا وهديت قلوبنا وزكيت نفوسنا - 00:49:33  
وشرحت صدورنا ويسرت امورنا. اللهم لا تخرجنا من رمضان. الا وقد فرجت كرباتنا. وشفيت امراضنا. واديت ديون اللهم لا تخرجنا من رمضان الا وقد اصلحت احوالنا واصلحت بالنار وقويت في رضاك عزمنا. اللهم لا تخرجنا من - 00:49:51

ارضى بها عنا. اللهم تب علينا توبة نصوحة، تب علينا توبة نصوحة، تب علينا توبة نصوحة، تب علينا توبة تصلىح بها صلاتنا -

00:50:11

تب علينا توبة تهدي بها قلوبنا. تب علينا توبة تنور بها بصائرنا. تب علينا توبة ترضى بها عنا. تب علينا توبة ان تصلح بها اخلاقنا. تب

علينا توبة تكتبنا بها من اهل الفردوس الاعلى مع النبي صلى الله عليه وسلم. اللهم اجرنا من النار. اللهم اعتق - 00:50:31

رقابنا من النار. اللهم اجرنا من عذاب القبر اللهم استعملنا ولا تستبدلنا. اللهم لا تستبدلنا. اللهم لا تستبدل بنا. اللهم لا تتولى عنا. اللهم

استعملنا ولا تستبدلنا. اللهم انصر اخواننا. اللهم انصر اخواننا المحصورين في غزة. اللهم انصر اخواننا المحتلين في فلسطين. اللهم

انصر اخواننا المضطهدين في وسط - 00:50:51

افريقيا. اللهم انصر كل مسلم فوق اى ارض وتحت اى سماء. اللهم انصر دينك واعز اوليائك. اللهم لدينك ان يسود، واذن لشرعك ان

ينتصر، واذن لكتابك ان يحكم. اللهم انزل هدايتك على اهل مصر، على قلوب شبابها، وفتياتها - 00:51:15

ورجالها ونسائها واطفالها. اللهم الف بين قلوب اهل مصر على طاعتك وابتغاء مرضاتك. اللهم ازل الفرقة والفتنة من بينهم يا رب

العالمين. اللهم الف بين قلوبنا. اللهم وحد صفنا. اللهم اجمع كلمتنا. اللهم اصلح احوالنا. اللهم لا تخرج الامة من رمضان - 00:51:35

الا وقد انزلت عليها من رحمتك ونفحاتك وبركاتك انك ولينا في الدنيا والاخرة. سبحانك اللهم وبحمدك اشهد ان لا اله الا انت استغفرك

00:51:55 -